

## **2025-MI INATSISARTUNUT QINERSINEQ ATATILLUGU NUNANIT ALLANIT SUNNIINIARTOQARSINNAANERANI NAVIANAATIT PILLUGIT NALILERSUINEQ**

### **Kalaallit Nunaat Kalaallillu Nunaanni maanna pissutsit inissisimanerat**

Amerikap præsidentiata Kalaallit Nunaannik piginnittoorusulluni soqutiginninnerminik nalunaarutiginnereernerata kingorna nunani allani oqallinnermik annertuumik qulequtarineqarpoq. Oqallinneq USA-mi Naalagaaffeqatigiinnilu nunap iluani politikkikut ingerlatsinermi ingerlaneruvoq, taamaattorli aamma nunarsuarmioqatigiinnut siaruaakkiartorpoq.

Dato: 28. februar 2025

Nunarsuarmi annertusiartortumik isumannaatsuunissaq pillugu Kalaallit Nunaatalu Naalagaaffinngornissamik kissaateqarnera pillugu oqallinnerit qarasaasiatigut inuit naapittarfíni eqqunngitsunik paasissutissanik siammerineq kinguneraa. Assersuuteqarpoq, kalaallit politikerii politikeriunngitsulluunnit oqaaseqaataasa eqqunngitsumik, imaluunnit allat namminneq anguniagaat sakkortusarniarlugit atorneqartut.

USA-p Kalaallit Nunaannik soqutiginninnera, tassunga ilangullugit politikkikut suliallit, isummersortartut aammalu USA-mit inuit sunniuteqarluartut naalagaaffiit allat sunniiniarnerminni paasissutissanillu eqqunngitsunik siammerinerini atorluarneqarsinnaapput.

Naalagaaffiit avataaneersut politikkikut aalajangiisnerit aammalu Europami isummanik pigiliutsitsiniarnerit ataavartumik sunniiniarfisarpaat. Sunniiniarneq taamaattoq ataavartumik ingerlanneqartarpoq, qinersinerit, uani Inatsisartunut qinersineq eqqarsaatigalugit, taakku kisiisa ukkatarineq ajorpaat.

Intsisartunut qinersinissap suaarutigineqarnissaata tungasut qarasaasiakkut inuit naapittarfíni salluliututnik profilinik arlalinnik sanasoqarsimavoq, tassani ilaatigut danskit kalaallillu politikkikut suliaqartusaarlutik oqallinnermi sunniiniartoqarluni. Profilit salluliutit naalagaaffiillu avataaneersut imminnut atanerannik FE aamma PET takusaqarsinnaanngilaq.

Naalagaaffiit avataaneersut kalaallit danskilu pisortaqarfíinit politikeriiniillu paasissutissanik tillitanik sunniiniarnermi atuisinnaasarpot. Assersuut tassaasinnaavoq cyberspionage (hackerilluni tillinnikkut) tillinneqarsimasunik paasissutissanik sunniiniarneq saqqummiinerluunnit. Inuiaqatigiit isumannaatsuunissaanut Aqtsisoqarfiup (SAMSIK)-ip naliliinera naapertorlugu

Kalaallit Nunaannut cyberspionage tassa kilitissiatut qarasaasiakkut tillinniartoqarsinnaanerup ilimanaataa annertoorujussuuvoq.

### **Russit sunniiniarnerinut navianaat**

Inatsisartunut Qinersinermut tunngatillugu Ruslandip imminnut aporaattunik soqtigisaqarpoq. Nunat NATO-mut ilaasortaasut Ruslandimit avissaartuutsinniarneqarput, taamaalilluni nunat killit sanngiillisikkusullugit. Illuatungaani USA-p Kalaallit Nunaanni sunniuteqarnerata annertusinissaa Ruslandip pinngitsoortikkusuppa.

Ruslandip sunniiniarsinnaanissaminut annertuumik pisinnaasaqarpoq, sunniiniartuarnermigullu Nunat Killit avissaartuutsinissaanut suliniuteqartuarluni, ilaatigut Nunat Killit Ukrainemut aningaasatigut, sakkutooqarnikkut politikkikkullu tapersersuinerat sunniiniarnermigut sanngiillisinniarsarivai.

Kalaallit Nunaannit maanna politikkikkut pisut Ruslandimit ad-hocinik suliniutinik aallartitsinikkut atorluarneqarataannaavoq. Suliniutit taamaattut siunertaraat assersuutigalugu Kalaallit Nunaata USA-lu avissaartinniarnissaat, taamaalilluni USA-p Kalaallit Nunaannut sunniuteqarnerata illuatungilerniarnissaat.

Inatsisartunut qinersinermut atatillugu Ruslandip Kalaallit Nunaannut Naalagaaffeqatigiinnermullu tunngatillugu piareersarlauakkamik ataqtigisakkamik sunniiniarnissamut ingerlatsinissaata ilimanassusaa annikinneruvoq. Taamatut sunniiniarnissaq russit tungaannit annertunerungaatsiartumik piareersaateqartoqarnissaanik pisariaqartitsimmata piffissamilu sivisunerusumik ingerlasariaqartumik.

Ilimanarneruvorli maanna Kalaallit Nunaanni eqqaanilu pisut piffissami ungasinnerusumi Nunanut Killernut sunniiniarlutik avissaartuutsitsiniarnermut atussagai, minnerunngitsumillu Ruslandip nunanut allanut sillimaniarnermullu iliuuserisaanik Nunat Killit uparuaasarnerinut atatillugu USA peqqusersuutit nittarsaanniaartapaa. Sunniiniarneq taama ittoq qinersinermut toqqaannartunik tunngassuteqarnavianngilaq, tamannalu nunat killit aammalu immaqa Ruslandip innuttaasuinut tunngatinneqarlni siammasinnerusumik ingerlanneqarataannaavoq.

Kalaallit Nunaanni eqqaanilu maanna pisut eqqarsaatigalugit Ruslandip sunniiniarnermut attaveqaatai malinnaapput, oqallinnermilu sunniiniarsinnaanermut siunertaqarsinnaanerat annertuumik ilimanaateqarpoq. Tassani aamma tusagassiorfiit russinik illersuisut tusarnaartunut danskisut oqaasilinnut atuuppoq. Tusagassiorfiilli tamakku oqaluttuarisaaneq qiviaraanni Kalaallit Nunaannut Danmarkimullu siammasissumik anngutinngisaannarput.

### **Sunniiniarnermi anguniagaq**

Nunat nunani allani nunarsuamioqatigiilluunnit kattuffiini namminneq isummat siaruarternissaanut isummersornissamut imaluunnit politikkikku aalajangiinernut sunniiniartarnerinut amerlasuunik assersuutissaqarpoq. Sunniiniarneq innuttaasut isumaannut immikortitsiviusuni atorneqartarpoq, tassuunakkut ajornanngitsunnguamik akerleriinnej avissaartunnerlu pilersinneqarsinnaammat. Naalagaaffiit avataaneersut, aalajangiisartut ataasiakkaat aamma siunertalimmik namminneq anguniakkanik toraagaqartumik sunnerniarsinnaasarpaat. Sunniiniarnerit pisussanut aalajangersimasunut tunaartaqarsinnaapput, soorlu qinersinernut, aammali ulluinnarni pisunut tamanut.

Nunat allat qinersinernut sunniiniarlutik teknikkikku siuariartornitsinni aqqutit aqqutillu allat ammaanneqarput. Assersuutigalugu silassorissuusiap (AI) ineriartinnerani paasissutissanik eqqunngitsunik siammerterisinnaaneq annertuserujussuartinneqarpoq, tassani akeqqat paasissutissanik eqqunngitsunik suliarilluakkanik sanaartornissanut atortussanik tuniorarneqarput. Eqqunngitsunik paasissutissiinerit annertussusaat AI-p annertusitissinnaavaa, taamaaliluni nunat allat ataatsimoortukkuutaat aalajangersimasut kulturikkut oqaatsitigullu aporfitt akimorlugit paasissutissanik tunioraasinnaapput.

Internetikkut attaveqaatit sunniinerisa saniatigut sunniiniarnermi suliallit nalinginnaasut nunani allani attaveqaatinik pilersitsisartut atorlugit Rusland sunniiniarsinnaavoq. Sunniiniarnermi suliallit tassaasinnaapput assersuutigalugit isummanik sunniiniartartut, ilisimatuut, politikerit imaluunnit allat isummersortartut, tusagassiutitigut tutsiussinnaasut politikkikkulluunnit aalajangiinissamut sunniisiinnaasut. Inatsisartunulli qinersinissamut Ruslandip inuit sunniiniarmi suliallit Kalaallit Nunaanniisinnaasut atornissaat periaaseq taanna atorneqarnissaa annikitsuinnarmik ilimanarpianngilaq.

Rusland cyberikkut annertuumik piginnaaneqarpoq sunniiniarnermik ingerlatsinermi atorsinnaasaminnek. Assersuutigiinnarlugu Rusland nutaarsiassaqartitsivinnut, imaluunnit qarasaasiakkut inuit naapittarfisigut hackerinikkut paasissutissanillu siammerterinikkut eqqunngitsunik paasissutissanik siaruarterisinnaapput.

Russit naalagaaffiata navianartorsiortitsisinnaanerata saniatigut cyberikkut isummanik siaruarteriniat annikikkaluamik navianartorsiortitsisinnaapput. Cyberikkut isummanik siaruarteriniat Russinut illersuisuusut ukiuni kingullerni europami nunanit assigiinngitsuni nittartakkatigut ulikkaartoortitsinikkut saassussisarlutik oqaatigaat. Cyberikkut isummanik siaruarteriniat Russinut illersuisuusut europami qinersisoqarneranut atatillugulu aseruutaasumik

ajornannngitsuaqqamik cyberikkut saassussisimallutik. Kalaallit Nunaannut soqutiginninnerup annertusiartornera ilutigalugu navialisinnaaneq annertusinersoq FE-p aamma SAMSIK-ip malinnaaffigaa.

### Sunniiniarnerit

FE-p aamma PET-ip sunniiniarnerit pingasunut pingaarnernut agguarsimavai.

Sunniiniarnerit sivisut, tassani oqariartuutit asigiinngitsut siaruarterniarsarisarpaat, taakkulu Nunanut Killernut, nunat killiit politikkikkuat ataatsimoorfiiinut, soorlu EU-mut sakkortuumik assuarinnittuupput. Sunniiniarnerit sivisut nunat killiit innuttaasuinik aalajangiisartuinillu sunniiniarnerminni tusagassiorfiit nalinginnaasut atorlugit, inuillu qarasaasiами naapitarfii atorlugit avissaartitsiniarlutillu uivertitsiniarnermut atortarpaat, tassuunakkut isummaminik upperinnitsinsinissaq angujumallugu.

Sunniiniutit piareersakkat tassaapput piareersarlugit aaqqissuullugit ataqtigiissaarlugillu sunniiniutit, taakkulu nassiussisuminngaannit pingartinneqartumik periusissiatigut aalajangersimasumik toraagaqartarput. Toraagaq apeqquataillugu atortut aqquissat toqcarneqartarput.

Ad hoc-mik suliniuteqarnerit tassaapput anguniakkanut ataasiakkaanut aalajangersimasumik anguniagaqarluni sunniiniarneq, soorlu inummut aalajangersimasumut, imaluunnit pisut ataasiakkaat aallaavigalugit sunniiniarneq. Periarfissamut takkuteriataartumut periарnerusinnaapput, imaluunnit pisariaqartitsinermik takkuttoqariasaarneratigut. Ad hoc-mik suliniuteqarnerit piffissami sivikitsumi piaripallassinnaasut aqquiginiaarsarisarpaat, aammalu inuiaqatigiinni avissaartuunneq atorluapallassinnaasarlugu.

FE-p aamma PET-ip misissuinermini pisinnaasut ilimanassusaat ataani allassimasut aallaavigisarpaat. Ilimanaataa eqqoriaanermiittarpoq kisitsisitigut naatsorsugaanani.

**ILIMANANGIL  
AQ  
<10%**

**ILIMANAATAA  
ANNIKIPPOQ  
10-40%**

**PISINNAAVOQ  
40-60%**

**ILIMANARPOQ  
60-90%**

**ILIMANARTOR  
UJUSSUUVOQ  
>90%**

FE-P aamma PET-ip nalilerpaa "Ilimanarpoq", ilimanaataa alla atorneqarsimangippat.